

地藏經法要 (連載 5) 賢護

吾觀地藏威神力，恒河沙劫說難盡；見聞瞻禮一念間，利益人天無量事。

(七) 利益——地藏經的利益，無量無邊，超乎想像，簡略數點：

1. 無懼——我們一生中，感到害怕及不知所措的時候很多，如只知呼救喚母，不若念佛或呼地藏菩薩佳。

「忽見自身到一海邊，其水涌沸，多諸惡獸盡復鐵身，飛走海上，東西馳逐，見諸男子、女人百千萬數出沒海中，被諸惡獸爭取食噉；又見夜叉其形各異，或多手、多眼、多足、多頭，口牙外出，利刃如劍，驅諸罪人使近惡獸；復自搏攫頭足相就，其形萬類，不敢久視。**時，婆羅門女，以念佛力故自然無懼。**——忉利天宮神通品

2. 險難——這世界充滿危機，不管入山林，過海，經險道，行、住、坐、卧，虎狼獅子、毒害等。只須念地藏菩薩名萬遍，自有鬼神衛護。

「復次，觀世音菩薩！若未來世有善男子、善女人或因治生，或因公私，或因生死，或因急事，入山林中，過渡河海，乃及大水，或經險道。是人先當念地藏菩薩名萬遍，所過土地，鬼神衛護。行住坐卧，永保安樂，乃至逢於虎狼獅子，一切毒害，不能損之。」——見聞利益品

3. 滅罪——如罪滅了，可生天，不受女身，相貌圓滿，尊貴，鬼神衛護，不會久處床枕，不做惡夢。滅罪的方法有布施，迴向，守齋日，念佛乃至聞佛名號。


「未來世中，若有善男子、善女人聞是地藏菩薩摩訶薩名者，或合掌者、讚歎者、作禮者、戀慕者，是人超越三十劫罪。普廣！若有善男子、善女人，或彩畫形像，或土石膠漆，金銀銅鐵，作此菩薩，一瞻一禮者，是人百返生於三十三天，永不墮於惡道；假如天福盡故，下生人間，猶為國王，不失大利。若有女人厭女人身，盡心供養地藏菩薩畫像，及土石膠漆，銅鐵等像，如是日日不退，常以華香、飲食、衣服、繒綵、幢幡、錢、寶物等供養，是善女人盡此一報女身，百千萬劫更不生有女人世界，何況復受？除非慈願力故，要受女身，度脫眾生，承斯供養地藏力故及

功德力，百千萬劫不受女身。」

「復次，普廣！若有女人厭是醜陋、多疾病者，但於地藏像前志心瞻禮，食頃之間，是人千萬劫中所受生身，相貌圓滿。是醜陋女人如不厭女身，即百千萬億生中，常為王女，乃及王妃，宰輔大姓，大長者女，端正受生，諸相圓滿，由志心故瞻禮地藏菩薩，獲福如是。復次，普廣！若有善男子、善女人能對菩薩像前，作諸伎樂及歌詠、讚歎、香華供養，乃至勤於一人、多人，如是等輩，現在世中及未來世，常得百千鬼神日夜衛護，不令惡事輒聞其耳，何況親受諸橫？」——如來讚嘆品

「復次，普廣！若未來世，有男子、女人久處床枕，求生求死了不可得，或夜夢惡鬼乃及家親，或遊險道，或多魔寐，共鬼神遊，日月歲深，轉復尪瘵，眠中叫苦，慘悽不樂者，此皆是業道論對，未定輕重，或難捨壽，或不得癒，男女俗眼，不辨是事。但當對諸佛、菩薩像前，高聲轉讀此經一遍，或取病人可愛之物，或衣服、寶貝、莊園、舍宅，對病人前高聲唱言：『我某甲等為是病人，對經像前捨諸等物，或供養經像，或造佛、菩薩形像，或造塔寺，或燃油燈，或施常住。』如是三白病人，遺令聞知，假令諸識分散至氣盡者，乃至一日、二日、三日、四日至七日已來，但高聲白，高聲讀經，是人命終之後，宿殃重罪至于五無間罪，永得解脫。——如來讚嘆品

「復次，普廣！若未來世諸眾生等，或夢、或寐見諸鬼神，乃及諸形，或悲、或啼、或愁、或歎、或恐、或怖，此皆是一生、十生、百生、千生過去父母、男女、弟妹、夫妻、眷屬在於惡趣，未得出離，無處希望福力救拔，當告宿世骨肉，使作方便，願離惡道。普廣！汝以神力，遺是眷屬，令對諸佛、菩薩像前，志心自讀此經，或請人讀，其數三遍或七遍，如是惡道眷屬，經聲畢是遍數，當得解脫，乃至夢寐之中，永不復見。」——如來讚嘆品



「世尊！過去無量阿僧祇劫，有佛出世，號無邊身如來，若有善男子、女人聞是佛名，暫生恭敬，即得超越四十劫生死重罪。」——稱佛名品

「又於過去無量阿僧祇劫，有佛出世，號袈裟幢如來，若有男子、女人聞是佛名者，超一百大劫生死之罪。」——稱佛名品

4. 度亡脫地獄——死亡及地獄雖可怖，但地藏菩薩皆能救贖。

「承孝順之子，為母設供修福，布施覺華定自在王如來塔寺；非唯菩薩之母得脫地獄，應是無間罪人，此日悉得受樂，但同生訖。」

——忉利天宮神通品

「若遇善知識，勸令一彈指間，歸依地藏菩薩，是諸眾生即得解脫三惡道報。」——閻浮眾生業感品

「臨命終時，父母眷屬宜為設福，以資前路。或懸旛蓋及燃油燈，或轉讀尊經，或供養佛像及諸聖像，乃至念佛、菩薩及群支佛名字，一名一號歷臨終人耳根，或聞在本識，是諸眾生所做惡業，計其感果，必墮惡趣，緣是眷屬為臨終人修此聖因，如是眾罪悉皆銷滅。」

——利益存亡品

「世尊！如是閻浮提男子、女人臨命終時，神識惛昧，不辨善惡，乃至眼耳更無見聞，是諸眷屬當須設大供養，轉讀尊經，念佛、菩薩名等，如是善緣能令亡者離諸惡道，諸魔鬼神悉皆退散。世尊！一切眾生臨命終時，若得聞一佛名，一菩薩名，或大乘經典一句一偈，我觀如是輩人，除五無間殺害之罪，小小惡業，合墮惡趣者，尋即解脫。」——閻羅王眾讚嘆品

「世尊！現在、未來一切眾生，若天、若人、若男、若女，但念得一佛名號，功德無量，何況多名？是眾生等，生時死時，自得大利，終不墮惡道。……何況眾生自稱自念，獲福無量，滅無量罪。」——稱佛名品

「復次，觀世音！若未來、現在諸世界中，六道眾生臨命終時，得聞地藏菩薩名，一聲歷耳根者，是諸眾生永不歷三惡道苦，何況臨命終時，父母眷屬，將是命終人舍宅、財物、寶貝、衣服、塑畫地藏形像，或使病人未終之時，眼

耳見聞，知道眷屬將舍宅、寶貝等，為其自身塑畫地藏菩薩形像。是人若是業報合受重病者，承斯功德尋即除愈，壽命增益；是人若是業報命盡，應有一切罪障、業障，合墮惡趣者，承斯功德，命終之後，即生人天，受勝妙樂，一切罪障悉皆銷滅。」——見聞利益品

5. 知眷屬生界——有亡失多年的眷屬，修地藏法，可知其下落，並能作出救贖。

「復次，觀世音菩薩！若未來世有男子、女人，或乳哺時，或三歲、五歲、十歲已下，亡失父母，乃及亡失兄弟姊妹，是人年既長大，思憶父母及諸眷屬，不知落在何趣，生何世界，生何天中。是人若能塑畫地藏菩薩形像，乃至聞名，一瞻一禮，一日至七日，莫退初心，聞名見形，瞻禮供養，是人眷屬假因業故墮惡趣者，計當劫數，承斯男女、兄弟姊妹塑畫地藏形像瞻禮功德，尋即解脫，生人天中，受勝妙樂者，即承斯功德，轉增聖因，受無量樂。是人更能三七日中，一心瞻禮地藏形像，念其名字滿於萬遍，當得菩薩現無邊身，具告是人眷屬生界；或於夢中，菩薩現大神力，親領是人，於諸世界見諸眷屬；更能每日念菩薩名千遍，至于千口，是人當得菩薩遣所在土地鬼神終身衛護，現世衣食豐溢，無諸疾苦，乃至橫事不入其門，何況及身？是人畢竟得菩薩摩頂授記。」

——見聞利益品

6. 修無上道——如欲發出離心，菩提心，深入經藏，獲般若智慧，授記等，修地藏法，所願悉皆成就。

「復次，觀世音菩薩！若未來世有善男子、善女人，欲發廣大慈心救度一切眾生者、欲修無上菩提者、欲出離三界者，是諸人等，見地藏形像及聞名者，至心歸依，或以香華、衣服、寶貝、飲食供養瞻禮，是善男女等所願速成永無障礙。」

「復次，觀世音！若未來世，有善男子、善女人欲求現在、未來百千萬億等願，百千萬億等事，但當歸依、瞻禮、供養讚歎地藏菩薩形像，如是所願所求悉皆成就。復願地藏菩薩具大慈悲，永擁護我，是人於睡夢中即得菩薩摩頂授記。」——見聞利益品

(未完 ... 待續)

